

tarsis apice fuscis; prothorace brevi, transversim sat profunde impresso; hemelytris maculis plurimis parvis, sparsis, dilute flavescens; membrana dilute fusco-hyalina, cellulis viridibus. ♂♀. Long. 4. lat. 2—2½ millim.

*Phytocoris flavosparsus* SAHLB. Act. Soc. Scient. Fenn. I. p. 411.

*Capsus flavosparsus* SAHLB. Monog. Geoc. Fenn. p. 103. 26.

In *Chenopodio* prope Holmiam sat frequenter captus.

*Phytoc. chorizanti* nonnihil major. Caput sub-triangulare, luteo-virescens, supra modice convexum, sub-læve, parce albido-pubescentis; rostro inflexo, concolore; oculis ovatis, convexis, nigris. Antennæ longitudine fere corporis, tenues, dilute luteo-virescentes, articulo secundo longo, quarto dilute fusco, antecedente dimidio brevior. Prothorax latitudine postica dimidio brevior, antice truncatus, angulis vix rotundatis; lateribus basin versus subito oblique ampliatus, postice truncatus, angulis obtusis; supra modice convexus, viridis, sub-opacus, pube fusca adpersus, medio transversim sat profunde impressus. Scutellum triangulare, modice convexum, viride, fusco-pubescentis. Hemelytra viridia, sub-opaca, dense fusco-pubescentia, maculis plurimis, parvis, flavescens adpersa; membrana fusco-hyalina, cellulis viridibus. Corpus dilute virescens, sub-glabrum. Pedes dilute luteo-virescentes; tibiis parce setulosis; tarsis apice fuscis.

19. *PHYTOCORIS validicornis*: oblongus, rufo-testaceus, nitidus, fere glaber; oculis, scutelli medio, clavi basi, corii apice, pectore abdomineque nigro-piceis; membrana hemelytrorum dilute fusca; tibiis posticis apice anguste nigris; tarsis albidis, apice fuscis. ♂♀. Long. 7, lat. 2¾ millim.

*Var. a* pectore et interdum abdomine rufo-testaceis, tibiis posticis apice haud infuscatis.

In gramine locis umbrosis ad Carlberg prope Holmiam mense Augusto individua tria legi.

*Phytoc. ferrugato* magnitudine æqualis, antennis validioribus, articulis æqualiter crassis ut et colore, a reliquis hujus generis distinctus. Caput sub-triangulare, rufo-testaceum, nitidum, læve, glabrum, apice medio elevatum, utrinque bi-impressum; vertice tenuiter longitudinaliter canaliculato; rostro inflexo, rufo-testaceo, apice infuscato; oculis oblongo-ovatis, modice convexis, nigris. Antennæ longitudine corporis, minus tenues, rufo-testaceæ, sub-glabræ, articulo primo capite transverso dimidio longiore, reliquis nonnihil crassiore, secundo primo plus duplo longiore, tertio antecedente brevior, ultimo primo parum longiore, apice acuminato. Prothorax breviter sub-triangularis, latitudine postica brevior, antice truncatus, tenuiter reflexo-marginatus, lateribus obliquis, basin versus subito ampliatis; postice sub-truncatus, ad angulos leviter rotundatus, supra convexo-declivis, rufo-testaceus, nitidus, obsolete aciculatus, ruga antica obsoleta, bilobata. Scutellum sat magnum, triangulare, convexum, subtiliter, transversim aciculatum, nigro-piceum, sub-nitidum, utrinque plus minusve late rufo-testaceum. Hemelytra corpore longiora, supra modice convexa, nitida, glabra, dilute testacea, sub-lævia, basi clavi leviter apiceque corii latius infuscatis, margine laterali cuneoque rufo-testaceis;